

DE COMETIS.

19

ex pacto significant. Quare hoc solum ex Cometarum apparitione discimus, nos à Deo excitari & moneri, ut vitam emendemus, peccatis resistamus, vera pœnitentia ad Deum configiamus. Significant vniuersim & in genere iram Dei aduersus scelera nostra exardescere: licet speciatim non indicent, quo pœnarum genere & quos potissimum castigare decreuerit.

Summa dictorum est: Cometæ si sunt signa naturalia bellorum, ruinæ imperiorum, excidijs vrbium, interitus Principum, mutationis, Religionum, etc. necessarium est, ut vel causæ iam dictarum rerum sint, vel effectus, vel à communi causa efficiantur. At nullum ex his de eis verè dici potest. Quare nullo pacto naturalia prædictarū rerū signa censeri debent. Quid naturaliter significare soleant ac possint, expositum simul fuit. Reliquum igitur est, ut sint signa artificiosa: non humana quidem, sed diuina. Et cum ex eorum genere sint, quorum specialis significatio nobis à Deo reuelata non est, generali significatione iræ Dei aduersus peccata nostra accensæ contenti esse debemus. Quod si hoc pacto moniti resipiscemus, & ad Deum serio conuertemur, tum demum & iram Domini à nobis auertemus, & rectè sancteque de hoc portento ratiocinatos nos fuisse perspiciemus. Ergo non negamus, Cometas infortunia & calamitates denunciare, sed naturaliter talia indicare constanter negamus, & argumentis insolubilibus probamus. Deinde asserimus, non posse quenquam certò prædicere, cui populo aut regioni infortunium aut castigationem comminetur, aut quo pœnae genere speciatim Deus punire nos constituerit, nisi Deus id alicui peculiariter reuelauerit. Quæ Porphyrius & Astrologi huc pertinētia effutuerunt, indigna sunt, quæ confutare aliquis tentet: cum & olim derisa, & à nullo erudito credita sint. Verā hāc Cometarū significationib. sententiā nostrā veris certisq; argumētis ex ipsa re i natura petitis cōfirmatam, cū refelli

A. 2